

~~XXXX~~ ~~RE~~ 12
Q. D. B. V.

DE

SENECA MEDICO

ID EST

DE QVIBVSDAM VTRIVSQUE
SENECAE SENTENTIIS MEDICIS

DISPUTATIO TERTIA

QVAM

PRAESIDE

IO. IACOBO KIRSTENIO

MED. DOCT. PHYSIOL. ET CHEM. PROF.

PVBL. ORD. IMPERIAL. ACAD. NATVR. CVRIOS.

COLLEGA, FACVLTAT. MEDIC.

H. T. DECANO

IN CYCLO ACADEMICO

PLACIDAE PHILIATRORVM DISQVISIONI

EXPONIT

GEORGIVS LEONHARDVS BECK

ALTORFINVS

A. D. XIV. OCTOBR. A. S. R. CI^OIO CCXXXI.

ALTORFII

TYPIS IOH. GEORGII MEYERI VNIV. TYPOGR.

VIRO

**PRAENOBILISSIMO, CONSULTISSIMO,
EXCELLENTISSIMOQUE**

DOMINO

**IOANNI IACOBO
BECKIO,**

I. V. DOCT. CODIC. PROF. PVBL. ORDIN.

**ILLVSTRISS. COMIT. DE HOHENLOH-
NEVENSTEIN ET GIECH, VT ET PERILLVSTR.**

**REIPVBL. NORIMBERG. CONSILIARIO,
FACVLTAT. IVRID. ASSESS.**

ORDINARIO,

PARENTI SVO

**OMNI HONORIS AC OBSERVANTIAE
CVLTV PIE VENERANDO**

**HASCE STVDIORVM PRIMITIAS SACRAS
ESSE IVBET**

FILIUS OBSEQUIENTISSIMVS

RESPONDENS.

I.

SENECA *Epistol. XCV.*

Medicina quondam paucarum fuit scientia herbarum, quibus sisteretur fluens sanguis, uulnera coirent paulatim: deinde in hanc peruenit tam multiplicem uarietatem.



Nil in hoc uniuerso statim peruenire ad perfectionem, sed cuncta paulatim temporis tractu sua capere incrementa, quotidie experiri nobis contigit. Parua antea glans fuit, quae nunc est altissima amplissimaque Quercus, quae inter alios arbores ita eminet, quantum lenta solent inter uiburna Cypressi; et quae exigua initio fuerunt domicilia, uastissimae nunc sunt ciuitates et emporia. Haec et plura alia exempla, sapientissimus magister omnis moralis doctrinae apud ueteres, SENECA, probe perspexit, agnouitque, scientiarum rationem ita quoque esse comparatam, ut in dies eae magis magisque excultae, sensim ad maturitatem perueniant. In eadem enim epistola sane pulcherrima: *Vetus, inquit sapientia, cum maxime nascens rudis, non minus, quam ceterae artes, quarum in processu subtilitas creuit.* Artem uero salu-

salutarem sua iam aetate satis amplam putauit, eamque ad exemplum proposuit. Id quod eum fortassis HIPPOCRATES docuit; ex quo ipse notissimum excitauit (a) eius primum aphorismum: *Ars longa, uita breuis*. Nihil enim aliud indicare hac uult sententia, fronti adposita, quam quod uetustissimis temporibus, ubi medicina initium cepit, non statim tantus remediorum diuersorum apparatus fuerit, sed paucis medicamentis sanitatem tueri primi Medici consueuerint; unde infra in eadem epistola: *nihil opus erat*, pergit, (scilicet prioribus temporibus) *tam magna medicorum supellectile, nec tot ferramentis, atque pyxidibus*. *Simplex erat ex simplici causa ualetudo*. Tunc sane cum COO dici poterat: *Pauca sunt, quae medicum nobilitant*. Sed paululum strictius, et fere secundum ipsa uerba, explicabimus hanc sententiam, primum quidem demonstraturi, probabile admodum esse, prima medicamenta ex uegetabilium genere fuisse desumpta; deinde etiam rei herbariae augmentum, quam breuissime fieri poterit, enarraturi. Plurimi namque auctores, qui de primorum parentum uictu scripserunt, uti sunt, CVCCELLAEVS, (b) CVCHLERVS, (c) SCHALLERVS, (d) alique, (ut nihil dicam de Iudaeis, et multis ex patribus, de quibus MEYVS (e) consuli potest) contendunt, eos pro primo uictu herbis usos fuisse, iuxta DEI mandatum, quando Adamo praeceperit: (f) *Tu uero comedito herbam agri*. Ita etiam OUIDIVS, Metamorph. Lib. I. u. 103. qui originem mundi a paganis traditam, descripsit, cecinit de primis hominibus:

*Contentique cibus nullo cogente creatis,
Arbuteos foetus montanaque fraga legebant,*

Cornu-

(a) SENECA de breuitat. uir. cap. I. (b) Diatrib. de usu sanguin. inter Christian.
 (c) Dissertat. de tempor. mund. condit. (d) Dissertat. de Esu carn.
 (e) Commendat. physic. ad pentateuch. (f) Genes. cap. III. u. 18.

*Cornaque, et in duris haerentia mora rubetis,
Et quae deciderant patula lous arbore glandes.*

Igitur maxima eorum cura erat, ut herbarum studium excolerent, et de earum usu et applicandi ratione essent solliciti. Earum autem usum internum et externum esse posse, facillime didicerunt. Statim enim, si pro uictu iis utebantur, experiri poterant; an herbae crude, an coctae, facilioris essent concoctionis; quod nimia repletio molestiam crearet; quod post nimis adsumtum cibum nocturno tempore inquiete dormirent; quod unam plantam prae altera commodius perferre et concoquere possent; quod post usum cuiusdam herbae, sitis maior, uehementior incallescencia, aut frigus, et quae sunt aliae sensationes, in corpore prouenirent; quod denique ex huius uel illius herbae esu orirentur, in corpore ructus, tormina, flatus, dolores, alui constipationes, laxationes; non uero ex usu alterius. His omnibus solícite obseruatis, nullus dubito, quin ab his herbis, quae semel, aut saltem aliquoties, turbas excitarent in corpore eorum, abstinerint, et alias, magis salubres, quaesuerint, et comedendo probauerint, probatasque annotauerint; unde paulatim *Medicina diaetetica* ortum cepit; de cuius propagatoribus CELSVS (g) haec commentatur: *Eius autem* (sc. partís), *quae uictu morbos curat, longe clarissimi auctores etiam altius quaedam agitare conati, rerum quoque naturae sibi cognitionem uendicauerunt, tanquam sine ea trunca et debilis medicina esset.* Quoniam autem primi homines parum uestimentis tecti erant, et sine dubio pedibus ut plurimum incedebant nudi; igitur si circumibant, sedebant, iacebantque, facile explorare atque sentire poterant, herbas alias esse lenes, alias asperas, alias aculeatas, alias glutinosas, molliores alias, duriores,

A 3

que;

que ; nonnulla foliorum magis densa et flexilia , sicque apta ad ligandum , alia uero minus ; et quae sunt aliae tactiles qualitates : ut nihil dicam de notitia per alios sensus acquisita. Si igitur ab aculeatis plantis , aut morfu animalium , uulnerati fuerunt , facile sibi ex folio , aut cortice arboris cuiusdam , fasciam parare potuerunt ; qua occasione insimul experti sunt , unam prae altera plantam esse commodiorem ; u. gr. folium asperum uulnus fricare , dolorem augere , ruborem circa uulnus efficere ; lene uero demulcere , et , si glutinosum , insimul uulnus consolidare , et quae sunt alia. Hac ratione exorta est *Medicina chirurgica* , de qua hic SENECA imprimis loquitur ; unde a nonnullis *medicina prima* uocatur. Quia uero statim a principio et ortu medicinae , non in multis , sed in paucis plantis , et fortassis uilioribus , experimenta instituerunt ; igitur *medicina quondam paucarum herbarum scientia* ; post multos demum annos *in tam multiplicem uarietatem peruenit*. Vnde cum SENECA nostro plane conuenit rerum naturalium scriptor diligentissimus , PLINIUS : (b) *Hinc nata medicina* , ait : *Haec sola natura placuit , esse remedia parata uulgo , inuentu facilia ac sine impendio , ex quibus uiuimus. Postea fraudes hominum , et ingeniorum captura , officinas inuenere istas , in quibus sua cuique homini uenalis promittitur uita. Statim compositiones et mixturae inexplicabiles decantantur ; Arabia et India in medio aestimantur , ulcerique paruo medicina a rubro mari imputatur ; cum remedia uera pauperrimus quisque coenet. Nam si ex horto petantur , aut herba , uel frutex , quaeratur , nulla artium uilior fiat. Et supra citato loco CELSVS : etiam imperitissimae gentes , inquit , herbas , aliaque prompta in auxilium uulnerum morborumque nouerunt. Vltiorem autem huius rei explicatio-*

sup

cationem relata[m] legimus, in *Historia Academ. Reg. Scient. Paris.* (i) ubi dicitur: *Plantarum cognitio nullo non tempore omnibus gentibus in pretio habita fuit. Persuasi sunt communiter homines, simplicibus uniuersam fere medicinam contineri, et quemadmodum natura nonnullis animalibus instinctum indidit, quo uim medicam in quibusdam plantis reperiundam detegunt; ita hominibus instinctum talem ad plantas in genere, et maximam fiduciam in remedia ex illis parata, contulisse uidetur. Rationi uero nostrae commisit, indagare, quatenam utilitas a singulis plantis specialiter expectanda sit, quae quidem in re ratio nostra satis difficulter instinctum quorundam animalium assequitur.* Non autem uictus ratio sola ad inuentionem medicamentorum ex herbis ansam dedit: duo nimirum postmodum accedebant, quae insigniter culturam et indagationem naturae plantarum, earumque multifariam cognitionem, adiuuerunt; Pollinctura nimirum et Religio, seu cultus diuinus. Sicuti autem ratio mortuos balsamis condiendi antiquissima est consuetudo; legimus enim iam in sacro Codice, (k) Iosephum Pro-Regem Aegypti, *praecepisse medicis, ut mortuum patrem suum Iacobum aromatibus condirent*: Ita ad cultum Deorum destinatas herbas in erudita Dissertatione Lipsiensi nuper demum de *Plantis ferialibus*, PITSCHELIVS proposuit. Difficillimum interea est, primum Medicum et Chirurgum certo designare. Nolim adeo nunc primum Medicum botanicum, ut nonnulli solent, constituere *Adamum*; multo minus *Apollinem*; licet eum OVIDIVS (l) ita gloriantem canentemque induxerit:

*Inuentum medicina meum est, opiferque per orbem
Dior, et herbarum est subiecta potentia nobis.*

De

(i) Anno II. uers. latin. p. 321. (k) Genes. Cap. L. uers. 26. (l) Metamorph. Lib. I. uers. 324.

De quo etiam VIRGILIUS (m) ita cecinit :

*Scire potestates herbarum , usumque medendi
Maluit.*

PLINIVS , (n) aliique scriptores christianae religiones expertes, *Chironem Centaurum* primum constituunt medicum botanicum : utpote quem narrant non solum rem herbariam , prae aliis coluisse , uerum etiam ad usum medicum conuer- tisse. Vnde apud PLVTARCHVM (o) legimus : *Tyrri Agenorii Chironi Magnates primitias herbarum offerunt , eum primum medicinam fecisse existimarunt. Radices enim plantarum erant , quibus aegrotos sanauerunt.* Diligentius autem artis salutaris inuentores diuisit HYGIVS (p) eum in modum : *Chiron inquit , Centaurus artem medicinae chirurgicam ex herbis primus instituit ; Apollo artem oculariam primus fecit ; tertio autem loco Asclepius , Apollinis filius , clinicen reperit.* Si autem ad fabulosam medicinam fortassis retuleris *Chironem Centaurum* , teste DIOSCORIDE, uix uel *Cratæa* , uel *Andrea* , inuenies antiquiorem , qui praeter rem herbariam praecipue clarus fuerit ; an autem hic *Cratæa* sit is , qui coetaneus Hippocratis , an eius Proauus , adhuc in dubio est. Ita autem de illis DIOSCORIDES ; (q) *Cratæas* , inquit , *herbarius , et Andreas medicus , qui caeteris diligentius hac in parte uersati uidentur , radices multas apprime utiles , herbasque haudquam adnotatas , reliquerunt.* Quatenam autem ex plantis sint uetustiores , eas colligimus ex Hippocrate , Eresio , Dioscoride , Plinio , Archigene , Aegineta , Oribasio , aliisque ueteribus scriptoribus medicis : praeter alias autem nonnullarum saltem nomina indicabimus , uti sunt : *Brassica , Ficus , Olea , Raphanus , Moly , Vrtica , Rapum , Polium , Betonica* ,

(m) Aeneid. Lib. XII. uers. 357. (n) Hist. mund. Lib. VII. cap. 56. (o)

(p) Fabul. CCLXXIV. (q) de medicinal. mater. Praefat. Lib. I.

ca, Anisum, Helleborus, Laurus, Asparagus, etc. et, si
 uerum, nonnullae quidem ex illis, propter frequentem usum,
 aut inuentionem huius uel illius medici, uel alterius
 medicinam facientis, nomen suum acceperunt. Sic anti-
 quissimae insimul plantae innotuerunt: Centaurium, ni-
 mirum, Gentiana, Lyfimachia, Artemisia, Telephium,
 Poconia, Helenium, Asclepias, Achillea, Circaea, Nym-
 phaea, Heraclia, etc. Ad uulnera sananda herbae uero,
 (quae hodie traumatica a medicis uocantur) et ad
 sanguinem sistendum, antiqui usus sunt: Plantago, Acacia,
 Porrum, Myrtus, Hypericum, Malicorium, Thus, Myrrha,
 etc. Cur uero, pristinis temporibus, multifariam plantarum
 cognitionem et usum parum curauerint, huius rei ratio-
 nem ipse PLINIVS (r) adduxit. Plerosque inquit, ita uideo
 existimare, nihil non herbarum ui effici posse, sed plurimarum
 uires esse incognitas: quorum in numero fuit Herophilus, cla-
 rus medicina, a quo ferunt dictum, quasdam fortassis etiam
 calcatas prodesse. - - Sed quare non plures noscantur, causa est,
 quod eas agrestes litterarumque ignari experiuntur, ut qui sol inter
 illos uiuant, praeterea securitas quaerendi, obuia medicorum
 turba. Cum quo ex recentioribus summus quondam Ger-
 maniae Botanicus, AVG. QVIR. RIVINVS, (s) Lipsiensium quon-
 dam insigne ornamentum, conuenit, dicens: Sciendum est,
 priscis temporibus botanicam non secus, atque alias disciplinas,
 mancas extitisse mutilasque. Ne longius excurram, testis
 mihi sit Aristotelis successor, Theophrastus, qui sub finem Lib. I.
 Hist. Plantar. ubi de arborum differentiis disserit, aperte fa-
 tetur, syluestrium plurimas nomine carere, expertasque per-
 paucas esse, cum urbanarum plures suo noscantur nomine, ut-
 pote quarum sensus sit communior. Extra dubium igitur est,

B suc-

(r) Hist. mund. Lib. XXV. cap. 3. (s) Introduct. in rem herbar. m. p. 6.

successive stirpium notitiam inualuisse, urgente partim necessitate, in defectu sufficientium medicamentorum, partim ingenua curiositate plus ultra stimulante alios. HIPPOCRATES uero, quemadmodum totam quasi medicinam in artis formam redegit, ideoque non immerito parens omnis medicinae dicitur, etiam rem herbariam amplificare coepit; optandum saltem esset, ut plantas, quas nouit, indicauitque, clarius descripsisset. Hinc Gallicorum botanicorum quondam princeps, TOVRNEFORTIVS (†) ita de eo sentit: *Hippocrates salutē posteriorum melius consulisset, si herbarum descriptiones addidisset, quibus aetate sua Therapeutica continebatur. Sola tamen nomina uiresque recensuit plantarum circiter quatuor et triginta supra ducenta.* THEOPHRASTVS ERESIVS, qui ex instituto de herbis scripsit, nobisque earum historiam reliquit, ex omnibus botanicis antiquissimus auctor, D recensuit plantas. (u) Ille autem herbarum numerus ita sequentibus temporibus creuit, ut DIOSCORIDES iam de DC fere plantis mentionem fecerit. Post illius autem tempora, uixit GALENVS, de quo supra nominatus TOVRNEFORTIVS l. c. p. 12 ita dicit: *Galenus, de uiribus plantarum quinquaginta circiter supra quadringentas egit libro sexto, septimo et octauo de simplicium medicamentorum facultatibus, praeter alias plurimas, de quibus sparsim tractat.* GALENVM hunc, et nonnullos Arabes si excipimus, Botanica per multa saecula parum profecit. Saeculo autem XVI, uti omnis res literaria et medica altius effloruit; ita et exorti sunt uiri, qui rem herbariam insigni studio atque incremento profecuti fuerunt; et qui non solum multas plantas collegerunt, descripserunt, et ad usum medicum uocarunt; uerum etiam, ut posteris eo fierent notiores magisque cognitae, plurimas herbas delineari curarunt. Quam-

(†) Magog. in rem herbar. p. 3. (u) STOLLIVS in Hist. medicinae, p. 615.

Quamuis et de his non admodum laudabiliter loquatur HELMONTIVS: (vv) *A diebus Dioscoridis, inquit, nil artem herbariam increuisse comperi; quin imo hodie ab ipso traditis herbarum iconibus, nominibus atque faciebus plantarum, utrimque dumtaxat disputari: nil uero uirtutum, proprietatum, ac usuum esse adiectum priori inuentioni atque historiis: Praeterquam, quod posterì confinixerint gradus qualitatum elementarium, quibus tota herbae Crasis tribuenda est. At cum ducentas forte herbas, unius qualitatis et gradus, diuersas habere proprietates comperissem, atque aliquot diuersarum qualitatum, ac graduum symphoniam (puta in potionibus uulnerariis,) habere in productione eiusdem effectus, coepere mecum uilescere, non quidem herbae, (pentacula diuini amoris) sed ipsi herbarii. Sic adeo inuenimus in opere botanico TRAGI, plantarum icones DLXII; FUCHSII, DXVI.; MATTHIOLI, MDLXVIII; (eiusdem autem botanicum, cura CAMERARII et BAVHINI editum MDCCCXCVIII imagines plantarum depictas in se continet. Sic etiam liber botanicus CLVSII MCXXX, L'OBELII uero exhibet icones MCCCCLXXVI; DODONAEI, MCCCVIII. TABERNAEMONTANVS, prouti eas recensuit CONRINGIVS, (x). MMLXXXVII annotauit. Noua uero huius operis editio, quae Basileae An. 1731. diuulgata est, plus quam MMM iconibus descriptionibusque plantarum exornata prostat. Immo, Vir de re botanica meritissimus, BAVHINVS, in *Pinace*, M M M M M plantas cognitatas iam indicauit; et antea nominatus TOVRNEFORTIVS, in *Institutionibus* suis, uniuersam rem herbariam, ad DCLXXIII circiter genera redegit, quibus plus quam 8846 species plantarum tam terrestrium, quam marinarum hucusque*

B 2 cogni-

cognitarum, comprehenduntur. Princeps denique botanicorum, RAVS, hodie iam 18000 plantas esse cognitatas, affirmavit. (y) Fidem autem superat, quando Malabariae incolae nimis superbe gloriantur, eos iam 200000 plantarum species detexisse. (z) In tam multifariam, ut cum SENECA nostro loquar, scientiam res herbaria tandem succreuit. In quantam igitur admirationem non raperetur omnis Romanae eloquentiae princeps, CICERO, (a) si de tam ingenti plantarum numero audiuisset, cum iam suo, quo uixerat, tempore; *Mirari licet, inquit, quae sint animaduversa a medicis herbarum genera, quae radices ad morsus bestiarum, ad oculorum morbos, ad uulnera, quorum uim atque naturam ratio nunquam explicauit.* Cum uero secundum antea excitatum HELMONTIVM: (b) *Nil mortalibus aequae necessarium, quam DEI gratiam in uegetabilibus admirando, propriis ministrare necessitatibus, fructusque eorundem carpere:* ita et in primis Medicis plantarum solida cognitio admodum utilis est et necessaria. Vnde iam GALENVS: (c) *Medicus, inquit, omnium stirpium, si fieri potest, peritiam habeat; sin minus, plurium saltem, et quibus frequenter utimur.* Ex omnibus autem hucusque prolatis, colligimus, hodie medicinam non paucarum, sed potius multarum herbarum, imo et aliorum remedium scientiam esse definiendam.

II. SE-

(y) SCHEVZERVS, in Phytic. Part. I. cap. III. §. 17. (z) Ibid. Part. II. cap. XXXIII. §. 3.
 (a) De Diuinat. Lib. I. cap. 1. §. 1. (b) De Diuinat. Lib. I. cap. 1. §. 1.
 (b) Loc. supr. cit. §. 9. (c) Lib. I. de Antidot. cap. V.

SENECA *Epistol. XV:*

AD duo explananda momenta, haec sententia ansam mihi suppediat: quorum primum *explicationem ueram*, uel *sensum adaequatum* huius dictorii illustrabit; alterum uero *propriam morbi cardiaci significationem* docebit. Ad primum igitur quod attinet *membrum*, obseruaui, quoties ab aliis auctoribus hanc sententiam adductam inueni, ita explicatam fuisse, ac si *bibere et sudare* remedii loco quasi essent, quatione scilicet *uita Cardiaci* conseruari posset, sicque idem significare, ac si SENECA dixisset: *frequentis potu, et sudatione crebriori, uita morbo cardiaco laborantis prorogatur*. Ego uero puto, ita eam esse intelligendam sententiam: *Conditio uitae Cardiaci nihil aliud est, quam continua sudatio, et potus desiderium*: siue, *Cardiacus per totam uitam suam, nihil fere aliud facit, quam ut bibat, et sudet*. Id quod facile patet ex antecedentibus uerbis SENECAE, quibus dehortatur uirum sapientiae studiosum a cura corporis saginandi, et exercitationibus firmandi. *Accedunt, inquit, pessimae notae mancipia in magisterium recepta, homines inter oleum et uinum occupati, quibus ad uotum dies est actus, si bene desudarunt, si in locum eius, quod effluxit, multum potionis alterius, ieiuno guttere ingesserunt. Bibere et sudare, uita cardiaci est*. Voluit nempe egregius hic Philosophus demonstrare, non facere ad uitam hominis bene ualentis uereque felicitis, curam corporis, potu et sagina, ac palaestricis exercitationibus, quibus sudores excitentur, corroborandi: cum *bibere et sudare* potius sit conditio hominis cardiaci, i. e. aegrotantis, quam bene ualentis; ubi species pro genere posita

esse uidetur. Ad eundem modum loquitur idem SENECA, *Epist. XCVI. Viuere*, inquit, *militare est*, h. e. uitae nostrae inest conditio militiae. Quomodo et BASILIUS SELEVCENSIS *Orat. XXVII*, locutus est: Ἀνὼν ἀνθρώποις ὁ βίος. Vnde etiam Germani saepius dicere solent de homine morbo diuturno laborante: *Dieses Menschen Leben ist eine beständige Kranckheit, oder Sichen*. Sed et eandem interpretationem probat methodus curandi huius morbi; cum ueteres medici unanimi fere consensu in cardiacis sudorem magis cohibendum, quam promouendum, suaserint. Quodsi uero quis τὸ bibere, hic non tam pro effectu, quam pro remedio huius morbi, habere uelit, ei refragari nolimus; τὸ sudare autem neutiquam ad remedium, sed ad effectum eiusdem morbi referendum est. Si enim cardiacis sudor remedii loco esset, sane non cohibitio eius ordinaretur; quamuis non negemus, leuem saltem perspirationem multum etiam ad hunc morbum leuandum conducere posse, neque a medicis esse reprimendam. Alterum adeo, quod explicandum restat momentum, est *significatio uera ipsius morbi cardiaci*. Vt autem hanc accuratius scrutemur, eo magis est necessarium, quo magis tam inter ueteres, quam inter recentiores medicos, confuse semper, aut obscure, de illo morbo agi, solitum est. Plurimi enim *Cardialgiam*, et morbum *cardiacum*, pro uno eodemque morbo habent, et his uocibus in scriptis suis promiscue et synonymice utuntur: qui uero non nihil discriminis admittunt, ad summum *Cardiacam* speciem *Cardialgiae* saltem esse uolunt. Sic ita CLAUDINVS (d) *cardiacam* passionem, pro *Cardialgia* qualitate ueneficia coniunctam habet. Ego uero puto, morbum ab antiquissimis medicis *cardiacum* dictum, plane a *cardialgia* differentem esse mor-

4) Emypic. rational. L. ib. III. Cap. VII.

morbum , et fortassis hodie non ita , uti olim , frequentem. Ad stabilendum hoc meum assertum , duo iterum praemittito fundamenta. Primo arbitror , si de morbo apud ueteres frequenti sermones facere uolumus , argumenta ex ipsis fontibus , i. e. *ex ipsis antiquissimis scriptoribus* , qui de hoc uel illo morbo scripserunt , et curationi eius interfuerunt , esse petenda. Deinde , ideo diuersos hos morbos statuimus , quia eorum *diuersa sunt signa pathognomonica* , prout paulo infra ostendemus. Interea euolui , quantum occasio et temporis angustia permiserunt , ueterum medicorum plurimorum scripta et ab antiquissimo quidem eoque diligentissimo morborum descriptore, HIPPOCRATE , nihil fere de hoc morbo traditum inueni. Post eum uero multi ex ueteribus morbi quidem *cardiaci* mentionem fecerunt ; uerum uel breuiter duntaxat , uel confuse. Eleganter uero more suo dilucideque hunc morbum delineauit CELSVS , medicorum latinorum princeps ; et ex iis , qui graece locuti sunt , eundem copiose explicauit CAELIVS AVRELIANVS. Ex his itaque auctoribus in primis notionem morbi huius claram atque distinctam colligere licet. Contra animaduerti , TRALLIANVM (e) paululum iam a recto tramite aberrasse. Omnem autem confusionem inde ortam fuisse , existimo , quia partim olim tres nomine ualde inter se conuenientes morbi in uno eodemque corporis humani loco , in uentriculo nempe , sedem primariam habentes a ueteribus medicis recenseri consueuerant ; nimirum : *καρδία* , *καρδιωγμός* , et *καρδιαλγία* ; partim quia saepius *cardiam* cum *cardialgia* , et uice uersa , in uno subiecto coniunctam inuenerunt ; aut quia *Cardia* nonnunquam desinit in *Cardiogmon* , teste BENED. SYLVATICO. (f) Definitur autem

(e) Lib. medic. VII. cap. 9. et 10.
 medic. Lib. VII p. 416.

(f) Vid. RHODII Analec. in Septal. Caum.

autem *Cardia* a praedicto CELSO (g) sequenti modo : *Morbi genus* , inquit , quod *καρδιακὸν* a Graecis nominatur , nihil aliud est , quam nimia imbecillitas corporis , quod , stomacho languente , immodico sudore digeritur . Ex COELIO AVRELIANO (h) autem colligimus hanc definitionem a SORANO traditam : *Cardiacam scilicet passionem esse solutionem celerem et acutam , qua dissiiciantur corpora per omnes uiarum particulas* . Καρδιωγμός uero denotabat morsum , seu rosnem stomachi , cum uehementi motu cordis , palpitationi eiusdem simili , coniunctum ; cuius morbi genus HIPPOCRATES passim iam in scriptis suis mentionem fecit . Καρδιαλγία autem secundum ueteres plurimos et recentiores , est dolor uentriculi , (non cordis , nisi fortassis interdum ex consensu neruorum ,) et imprimis orificii sinistri , uel uti FRID. HOFFMANNVS (i) Germaniae nostrae Aesculapius , uult , etiam dextri , cum anxietate , nisu uomendi , uirium prostratione , aliisque symptomatibus , coniunctus . Horum igitur morborum admodum inter se conuenientium ueram differentiam dudum iam agnouit DONAT. ANTON. ab ALTOMARI : (k) *Huius affectus apud Graecos , inquit , tres diuersas reperio denominationes ; nam interdum , καρδιαλγία , interdum καρδιωγμός quandoque καρδιακή dicitur . Pro quo animaduertere dignum est , quod haec tria non solum nomine discrepant , ut cuique patet , uerum etiam in re ipsa , ut ostendemus ; quamuis quidam aliter sentiant , etc* . Verum hic uir sane in arte salutarī alias uersatissimus , in demonstranda eorum morborum diuersitate , potissimas omisit differentias . Id quod etiam de aliis , qui horum morborum differentias ostendere uoluerunt , dicendum est . Inter hos refero

(g) De medicin. Lib. III. Cap. 19. (h) de Morb. acut. Lib. II. cap. XXXI.

(i) System. Med. ration. Tom. IV. Part. II. Sect. II. cap. 2. §. 2.

(k) De medend. human. corp. mal. Part. II. cap. 1.

refero TRINCAVELLIVM (l) GVINTHERIVM (m) et alios : Optime hucusque distinctionis notas observavit annotavitque PEVCERVS : (n) *Differunt*, inquit, καρδιαλγία et καρδιακή. Haec enim est, cum acuta et ardente febre, corporis magna imbecillitate, sudore largo, frigidityte extremorum, syncope perducente ad mortem : (hac D. Lutherus extinctus est) illa sine febre est, et mitiora omnia ; nisi quod propter dolorem periculo non careat. Monendum autem est, nobis nunc esse sermonem de *Cardiaca passione* stricte sic dicta : probe enim observauimus, iam antiquissimis temporibus hocce nomen paululum latius interdum usurpatum fuisse ; quod ex CAELIO AVRELIANO, (o) indeque orta diuisione, cognoscere possumus ; cum is tradat : *cardiacam passionem a quibusdam duplici significatione nuncupari ; communi, et propria. Sed communem*, inquit, *dicunt eam, quae substantiam in stomacho atque ore uentris habuerit, ubi etiam mordicatio sequitur supra dictarum partium - - - : propriam uero dicunt eam, quae cum sudore fuerit, atque pulsu imbecillo, de qua nunc dicere suscepimus.* Ne autem in recensendis differentiis horum morborum nimis longus sim, potissima saltem adducam discrimina, quam breuissimis fieri poterit uerbis. *Cardialgia* igitur absque dolore concipi non potest ; qui dolor inter primaria etiam signa refertur, quibus hic morbus cognoscitur ; in *Cardia* autem, teste CELSO et AVRELIANO, plane nullus in uentriculo dolor animaduertitur. Alteram differentiam horum affectuum docet *sudor*, qui quidem quandoque *Cardialgiae* accidere potest et solét, in hoc tamen morbo, scilicet *Cardiaco*, plane singularis est, et certissimam eiusdem notam suppeditat characteristicam. Sudor uero. secundum

C qua-

(l) In Operib. et quidem in prior. Galen. Lib. de art. curand. ad Glauc. (m) de Medicin. ueter. et non. Comment. I. Dialog. VIII. p. m. 674. (n) Practic. medic. cap. XII. (o) Libr. cit. cap. XXX.

qualitates in hoc morbo proprias, ab AVRELIANO (p) describitur, ut *crassus, tractuosus, viscosus, uel male redolens, tanquam lotura carnis*. Cum quo etiam consentit AETIVS (q): *Inueniuntur*, ait, in Cardiacis, *sudores circa faciem et ad pectus usque, glutinosi, et odor corporis terrestris nares percellens*. Deinde ratione quantitatis, et in homine loci peculiaris, CELSO dicitur (r) *sudor supra consuetudinem, et modo, et tempore, ex toto thorace et ceruicibus, atque etiam ex capite prorumpere, pedibus tantummodo, et cruribus siccioribus, atque frigidis*. Huc etiam pertinent frequentes *hypothimiae* cum hac passione coniunctae, teste FVMANELLIO (s), ita, ut quibusdam *syncope stomachica* haec passio audiat. Quae etsi etiam accidere quandoque soleant *Cardialgia* laborantibus, attamen in Cardia ita sunt frequentes et inseparabiles quasi ab ea, ut hocce perpetuum phaenomenon diuo TERTVLLIANO (t) ansam dederit, ut hanc passionem et phrenitidem compareret cum somno; ubi illam cum aemulari in decessu, hanc in excessu, contendit. Hisce signis pathognomonicis addi potest *loci in subiecto diuersitas*. *Cardialgiae* enim sedes praecipua, uti supra ex definitione illustris HOFFMANNI audiuius, et ut fere omnes auctores medici uolunt, est orificium uentriculi, siue dextrum, siue sinistrum, siue utrumque. Interim tamen *Cardiae* non in solo uentriculo, sedes est; uerum potius in toto corpore, seu in toto fere neruorum genere, eam residere, putamus. Vnde saepius iam citatus AVRELIANVS (u) *In Cardiacis*, inquit, *cor affici dixerunt Erasistratus et Asclepiades. Alii pericardium: alii septum transuersum; alii stomachum: alii pulmones atque iecur*. Merito autem magna distinctio Car-

dial-

(p) Loc. cit. cap. XXXII. (q) Tetrabibl. III. Sermon. I cap. 7. (r) Loc. cit. Lib. III. cap. 19. (s) Vid. eius Opera in Epist. ad Iren. de morb. uentris, p. 515. (t) De Anima, cap. XLIII. (u) Lib. cit. cap. XXXIV.

dialgiae et Cardiacae passionis etiam intelligi potest ex ueterum curatione. In hoc enim *cardiaco morbo*, cum omnes illi auctores practici potissimum sudorem nimium cohibere allaborarint; ea propter, tam interne quam externe, adadstringentibus, et quae eius sunt generis alia, uti consueuerunt; deinde simul resicientia, tam calida, quam spirituosa, adhibuerunt; quae omnia medicamenta, iis, qui *Cardialgia* afflicti decumbunt, nunquam, aut rarissime, conueniunt. Quemadmodum autem magnum apparatus medicamentorum contra *Cardiam*, et quidem ex pharmaceuticorum genere, recensuit AETIVS l. f. cit.: et ORIBASIVS (vv): ita quod ad dietam attinet, illis, qui hoc laborant morbo, prospexit Arabs medicus, BVHAHYLYHA BINGEZLA. (x) Sed pauca adhuc adicere uolumus de potus genere, quo *Cardiaci* uti sunt soliti. Potus autem uarius quidem esse potuit; quia uel *curatiue* uel *praeseruatue*, (ut medici aiunt) eo utebantur; imo in ordinandis potibus, pro regionis, climatis, et consuetudinis personarum, symptomatumque circumstantia, Medici saepius variare coguntur; ita ut non unicum potus genus omnibus, et semper, conducat. Attamen, quotquot mihi medicos ueteres hac in causa euoluere licuit, nullum sane inueni, qui non *Vinum* inprimis commendaue-rit. Itaque uerum est, quod PLINIVS (y) dixit: *Cardiacorum morbo unicam spem in uino esse, certum est*. Oportet autem, ut obseruetur legitimum tempus exhibendi, necessaria quantitas, uinique potissimum qualitas. De quibus circumstantiis elegantissime non minus, quam accuratissime, more suo, agit CELSVS: (z) *Nisi necesse est, inquit, ad uinum festinare non oportet. Si uerendum est, ne deficiat; tum et intrita ex hoc, et*

C 2 *boc*

(vv) Lib. de Curation. (x) Tacuin. aegritud. Canon. XXXII. (y) Histor. mundi. Lib. XXIII. cap. 1. (z) Lib. III. cap. XIX.

hoc ipsum austerum quidem, sed tamen tenue, meraculum, egelidum subinde et liberaliter dandum est; adiecta polenta, si modo is aeger parum cibi assumit. Idque uinum esse debet, neque nullarum uirium, neque ingentium: recteque tota die et nocte, duas uel tres heminas aeger bibet; si uastius corpus est, plus etiam, si cibum non accipit, perunctum, ante persundere aqua frigida conuenit, et tum dare. Sic quoque accurate quantitatis modum, quomodo uinum, morbo praesente, sit exhibendum, designat AETIVS. (a) Eo usque, ait, exhibendum est uinum, donec pulsus subtremlus esse desinat, et robustior fiat. Quod uero ratione regionis medici etiam discrimen obseruauerint, unde uinum adueniat, saepius iam adductus PLINIVS (b) testatur: C. Sentius, inquit, quem Praetorem uidimus, Chium uinum in domum illatum dicebat tum primum, cum sibi cardiaco medicus dedisset. Ita etiam medicamenta contra cardiacam passionem in uino porrigebant: sic enim Buglossum hac ratione ab AEMILIO MACRO (c) commendatur:

- - cum uino fuerit si sumpta frequenter,
Cardiacum cholerae quem fecit copia nigrae,
Consimili potata modo curare ualebis.

Non solum uero uinum, sed etiam alia potuum genera, praecipue curationis ergo, apud ueteres fuisse in usu; demum nominatus PLINIVS (d) nos certiores fecit: ubi Cardiacis Brassicam, uel caulem, et ius earum, cum sale conditum, pro remedio commendatam legimus. Sed finem huius quaecumque meditationis his IUVENALIS (e) uersibus obigno:

Ipse capillato diffusum consule potat,
Cardiaco nunquam cyathum missurus amico.

(a) Tetrabibl. III. Sermón. I. cap. I. (b) Lib. XIV. cap. XV. (c) De herbarum uirtut. cap. XXXIV. (d) Lib. XX. cap. IX. (e) Satyr. V. uers. 31.

O *Mnes quis numeret, Medicus quibus uti-
tur herbas?*

*Quis numeret morbos? Pharmaca quis
numeret?*

*Ars igitur longa est medicina, angustaque
uita,*

Immensum studium, iudiciumque graue.

O bene! *TE, BECKI, non tanta scientia
terret;*

TV mature huius colligis artis opes.

Nobilissimo Dn. G. L. BECKIO

**de felicibus in studio medicinae progressibus
gratulatur**

PRAESES.

EGregias mentis dotes dum prōdis, et
alta

Spiras, conatus gratulor ex animo.

Si TVA post gnauus, TVA post si feceris apte,
Mox fortuna dabit iura paterna TIBI.

*Nobilissimo Doctissimoque DN. RESPONDENTI,
Amico suo integerrimo, memoriae caussa
dabat*

GEORG. GVST. ZELTNERVS, Altorfinus,
Opponens.

SIc patriae uixisse iuuat, sic gaudia patris
Surgunt, ex uoto sic TIBI crescat honos!

*Nobilissimo atque Doctissimo DN. RE-
SPONDENTI, Amico et Con-
terraneo suo dilectissimo de crudi-
tionis specimine gratulatur*

GEORGIUS FERDINANDVS MVLLER,
M. C. Oppon. Altdorf.

REx auium, sublimi ad sidera summa uo-
latu

Euectus Phoebi lumina clara uidet.

Nec uirtus obscura manet, spissisque tenebris

Pulsis, sermones ac petit ora uirum.

Sic TVA non potuit, magni PATRIS optime

FILI,

Virtus obscuro clausa latere loco.

Sed, ruptis claustris, ferri rumore celebri

Coepit, et augustum uadere pergit iter.

Perge modo hoc studium decurrere strenuus:

et TE

Virtutis comites lausque decusque ma-

nent.

*In meritam uirtutis Tuae doctrinaeque
laudem, edendamque de praeclaro
Studiorum Tuorum Specimine gra-
tulationem, haec po, ui*

CHRISTOPHORVS BALTASAR HASENEST,

Med. et Phil. Cultor, Willhermsd. Onold.

Oppon.

Was

Was soll ich / Werther Freund! von Dei-
nem Fleiße schreiben /

Den ich zum öfftern schon / zu Deinem
Ruhm bezeugt?

Gewiß! selbst Fama will / Dein Lob aufs höchste
treiben /

Da sie den Ruhm / den Du erlanget / nicht
verschweigt.

O! fahre ferner fort / den Büchern obzuliegen /

Damit wir Dich dereinst in hohen Ehren
seh'n.

So kan Hygea Dich mit Lust und viel Ver-
gnügen /

Zu ihrer Priester Schaar / wie Du ver-
dienst / erhöhn.

Zur Bezeugung seiner aufrichtigen Freundschaft,
hat dieses wenige, dem Herrn Respondenten,
mit Anwünschung beständigen Wohlerge-
hens, beysetzen wollen

Gustav Georg Biermann / I. V. C.

